

պահպանել, տգրուկների նման ամենաանխիղճ կերպով ծր-
ծում են գիւղացի ժողովրդի արիւնը, անխնայօրէն հարըս-
տահարում, կեղեքում և օրըստօրէ աւելի ու աւելի դառ-
նացնում աշխատաւոր գիւղացու կեանքը: Խեղճ գիւղացի-
ներն առաւօտից մինչև երեկոյ աշխատում են, տքնում,
չարչարւում, վարում, ցանում և սակայն դարձեալ չեն կա-
րողանում իրենց չարատանջ վաստակի արգիւնքը վայելել և
մնում են միշտ տնտեսական անձուկ կացութեան մէջ:

Այս մռայլ պատկերի վրայ աւելացնենք և՛ երաշտը, որ
շատ անգամ չորացնում, փչացնում է մեծամասնութեամբ
ցորենի, գարու արտերը, արօտատեղիները և տնտեսապէս
աւելի քայքայում խեղճ գիւղացիութեան և նա յուսահատ
գալթում է մի գիւղից միւս գիւղը. բայց այնտեղ էլ միև-
նոյն ցաւը կրկնւում է և այսպէս անվերջ...

Աւագակային հարսահարութիւններ: Ով շատ ու քիչ
ուսումնասիրել է Փէրիայի անցեալի արհաւիրացի կեանքը և
հետևել է ներկայի մեծ վայրիվարումներին՝ նա անշուշտ նկա-
տած կը լինի այն հանգամանքը, որ գաւառի հայ գիւղա-
ցիութեան ճակատագրի տնօրինողը միշտ եղել են և այսօր էլ
շարունակում են լինել այնտեղի մութ տարրերը, որոնց
թիւը մանաւանդ այս գաւառում շատ է և մէկը միւսից
յայտնի իրենց վանդալական սխրագործութիւններով: Նրանք
միշտ էլ յարձակւել են գիւղերի վրայ ու ալան-թալանի են-
թարկել խեղճ գիւղացիների ունեցած-չունեցածը: Փէրիայի
թէկուզ մօտիկ անցեալի պատմութիւնը լի է կողոպուտի և
ուերածութեան հարիւրաւոր փաստերով:

Ահա աւագակային պարբերաբար կրկնող այդ հարստա-
հարութիւններն ու կեղեքումները հնարաւորութիւն չեն տա-
լիս երկրագործական կուլտը առաջ տանելու, մի երևոյթ,
որն ընդհանուր է այս դժբաղդ գաւառում և որի պատճա-
ռով գիւղերի դրութիւնը գնալով վատթարանում է թէ
քաղաքականապէս և թէ տնտեսապէս:

Նա մանաւանդ այսօր, գիւղերի շրջակայքում տիրում է